

23. marts 2014

UPA 2014/143  
Ruth Heilmann

**Siunnersuut uunga: Ilinniarnertuunngorniarneq pillugu Inatsisartut inatsisaata allanngortinnera pillugu Inatsisartut inatsisaat nr. XX, XX.XXX 2014-imeersoq. (Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq)**

Siumumit qujassutigaarput Naalakkersuisut inatsisissamik matuminnga nunatsinni ilinniartitaanikkut pingaaruteqartumik saqqummiussaqaarmata. Tamanna Siumumit pisariaqavisutut isumaqarfigaarput tassami ilinniagaqarneq aammalu ilinniagaqarneq nunatta inuisalu siunissaraat taamalu ilinniarnertunngornissamut piginnaasat qaffarsarneqartuarnissaannik aqutissaat nutaat pisariaqartinneqartuartaussaapput tamannalu malersortuarlugu pisariaqarpugut.

Nalunngilarput nuanarsuatsinni allanngoriartortumi piunasaqaataasut ilisimalikkallu ullormiit ullormut allanngorartuartsut taamaattumillu nunatsinnit aamma peqataajuartariaqarpugut katataajumanata. Siumumit ilinniartitaanikkut aamma nunatta peqataaniartuarnera takussutissaqartitarpud nuannaarutigaarput suleqataaffiginiartuarssavarpullu atugassarititaasut suli pitsaanerulertariaqarmata tassuunakkullu eqqummaarissumik ingerlatseriaaseqarnissaq tamatta peqataaffigisigu.

Nunatsinni ilinniarnertuunngorniarneq pingaartinneqaqaaq aamma inuusuttorpasuit ukiuni kingullerni naammassisarsimappud kusarnartumik piunassusermillu angisuumik takutitsilutik ilarpassuilu nunatsinni iluaqutaasumik piffinni arlalippassuarni sullippud. GU-t arlallit pilersinneqarnerat torrallataavoq nunatta ineriartornissaanut tunngaviliisuummata pingaaruteqartut.

Qularutissaanngilaq nunatsinni GU-ni naammassisartut iluaqutigilluarivut nunatta ineriartorneranut aammalu siunissami inuusutissarsiornermut ingerlaqqissimasut iluaqutigilerumarigut atorfissaqartikkatsigit, taamaammallu tamarmik suliffissaqarnissaat aamma eqqarsaatigalugit suliffinnik nutaanik pilersitsiortornissaq pisariaqarteqaarput.

Ilinniarnertuunngorniartut angusamikkut fagenut ataasiakkaanut qaffassarnissartik pisariaqartittuarpaat, taamaattumillu ilinniagaqalernissamut piareersarluni pikkorissaanerit ukiuni kingullerni soorlu Naalakkersuisumit oqaatigineqartutut 2005-imiit Nuummi 2008-miillu Aasianni misileraanikkut ingerlanneqartarsimappud "Aallarnisaalluni ilinniarneq" aammalu "Ilinniarnermik aallartitsinissamut ukioq ataaseq pikkorissarneq"

Taamatut misileraanerit ingerlanneqareersut 2011-mi unitsikkallarneqareernerisa kingorna 2013-imi ukiakkut pikkorissaanermik ingerlatsisarsimanerit nalilersorneqarput ingerlatsisareersut peqataatillugit. Naalakkersuisullu suli pitsaanerulersitsisumik suliaqarnerminni sulif- feqarfiit ilinniarfiit ilinniarfiulersussallu peqataatinneqartut oqaatigaat, tamannalu Siumumit iluareqaarput. Taamalu aamma kalaallit oqaasiinik danskillu oqaasiinik ilinniagassanullu pilersaarutit naleqqussarlugit tiimit amerlineqarniartut, tamassumalli kingunerissagaa ukioq ataaseq piareersaataasumik pik-korissaanerit ukiup aappaa affarmik sivisussuseqarlutik ingerlaqqinnissaat naatsorsuutigineqartoq. Eqqarsaatit taamaattut Siumumit itinerusumik paasisaqarfigissallugit pisariaqarsoraarput, ataatsimiititaliamilu paasisaqarfigilluarnissaat anguniarlugu sulineq ingerlakkumaaripput kissaatigalutigu.

Siunnersuutigineqarportaaq Naalakkersuisut ilinniartitsissutini ataasiakkaani malittarisassiornissamut pisinnaatinneqarnissaat, tassanilu nalunaarusiortoqarnissaa siunertarineqarluni. Ilinnialer-nissamut piumasaqaatit perorsaanermut tunngassuteqartut, ilinniartitsissutini ataasiakkaanik neqeroortarneq ilinniarnertuunngorniarnermut tapertatut ingerlanneqarsinnaasut Naalakkersuisut malittarisassiornermikkut kikkut ilinniakkanik neqeroorsinnaanerit killilersorsinnaallugu.

Taamalu aamma ilinniakkanik ataasiakkaani ilinniarneq pillugu inatsisip atuutilernerani atuutilertussamik nalunaarusiortoqassasoq, soorunami taamatut ittumik malitseqartinneqarnissaa Siumumit pitsaasutut isumaqarfigaarput.

Naggataatigut inatsisissap kingunerisassaani pitsaaqutaajumaartut suusinnaanerini itisili-inissaq Siumumit piumasaraarput soorlu aamma assersuutigalugu ilinniarnertuunngorniarni inuussutissarsiornermilu ilinniarfeqarfinni ilinniartitsisunik kalaallisut oqaaseqartunik amigaateqarnerujussuarmut qanoq inatsisissaap siunissami sunnuteqarumaarnera.

Aammalu ilinniarnerminnik unititsiinnartartut ikilinissaannik kinguneqassanersoq soorlu aamma ilisimatusarfimmut isertut piareersimanerunissaanittaaq malitseqarumaarnerasoq.

Taamatut Siumumit oqaaseqarluta Inatsisissaq paasisaqarfiginerujumallugu Ilinniartitaanermut, Ilageeqarnermut, Kultureqarnermut Naligiissitaanermullu Ataatsimiititaliamut suliassanngortipparput.